

c. 14. Quemadmodum Paulus testatur, tradi in reprobum sensum ingratos, & in cupiditates probrosas. Rom. 1. d. 26. Nec longa disputatione opus est: nam si fatetur multa peccata, superiorum esse penas, concedant necesse est, à iudice infligi. Qua de re lege Augustinum lib. 5. contra Iulianum, cap. 3. Enchiri. ad Laurent. à capite 65, vsque ad ceterimum. Ceterum aduersus Censorum truculentiam breuior mihi defensio suppetit, quod Spiritu Dei verba præcunte & dictante, me sic locutum esse concedunt.

Deut. 6. c. 13.

Artic. 57.

Annotatio, Deus timendus: & illi soli seruiendum. Seruiendum Deo soli. Deus solus adiutor & seruator. In Bibliis 1528. 1532. 1534. 1540. 1545. 1546.

Censura, Hæ annotationes cum præclusionis signo, hæreticæ sunt, tollentes Sanctorum auxilium.

Si præclusionis signo tollitur auxilium Sanctorum, cur ergo Spiritui sancto repugnant? Clara Scripturæ verba sunt, Soli Deo seruias, Deut. 6. c. 16. Matth. 4. b. 10. His censores dicunt euerti auxiliū Sanctorum, quod tamen ipsi